Consir l'on & l'autre Element. Et quand ie voudrois l'entreprendre Außi tost qu'on daimon me rendre Au bout du monde en un moment. Nonpoint qu'alors ie me promette D'aller au seiour esleué Qu'auec une longue lunette On a dans la lune trouué: Ny d'apprendre si les lumieres D'esclairer au ciel coustumieres, Et qui font nos biens & nos maux, D'humides vapeurs sont nourries, Comme icy bas dans les prairies D'herbe on nourit les animaux. Mais pour aller en asseurance Visiter ces peuples tous nuds Que la bien heureuse ignorance En long repos a maintenus. Telle estoit la gent fortunée Au monde la premiere née, Quand le miel en ruisseaux fondoit Au sein de la terre fleurie Et telle se voit l'Hetrurie Lors que Saturne y commandoit. Quels honneurs & quelles loüanges Champlain ne doit point esperer, Qui de ces grands pays estranges. Nous a sçeu le plan figurer Ayant neuf fois tenu la sonde Et porté dans ce nouveau monde